



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

1941 ие
ЯНВАРЕНЬ
19-це чи
7 (1303) №

ЛИСИ: 11-це ие,
12 № ковс

Местной промышленностень развитияньт кис

Январень 12-це чистэ уль-
несь печатаз «Местной сырь-
ясто широкой потребленинъ
ды продовольственной товар-
нэнь производствэ ламолгав-
томанть коряс мероприяти-
неде» СССР-нь Совнаркомонть
ды ВКП(б) нь ЦК-нь постанов-
ленияст. Те постановленияс, ко-
на вытекает ВКП(б) нь XVIII-це
съезденъ решениятнень эйстэ,
макс местной промышленнос-
тентень келей инициатива,
обеспечивает народной благо-
состояниянь од подъем.

Минек масторсонть максозь
весе условиятне народной бла-
госостояниянь од подъемонть
туртов. Эряви асыяк маштозь,
кеденъ илиштязь, по-больше-
вистеки использовать неть ус-
ловиятнень. Коммунистической
партиянь верной помощникен-
тень — Ленинско-Сталинской
комсомолонтень — те участка-
сонтькак муеви покш ды важ-
ной робота.

Алкукскак, малавикс шкас-
тонть минь должны создать
тыщат од местной предприя-
тият ды починочной мастерс-
койт. Торговой организацият-
не, пищевой предприятитне,
ведьгевтне, столовойтне, боль-
ницятне, ойсьема кудотне ке-
лейгавтсыз улия подсобной
хозяйстватнень ды создадут
одт. Эряви асыяк пек седе ке-
лейгавтомс свинооткормонть,
ламогавтомс калонь кунда-
монть, виензамс оводень, пло-
донь ды фруктань анокстамонть,
кода эряви кундамс кудо нар-
мунень развитиянь теветень.

Штобу лаказо теветсь, эря-
вить тыщат рачительной азорт,
конат чарькодить сынетс пору-
ченной теветень партийной ды
общенародной значенинъ. Ды
неть кадратне должны улемс
изобретательнойт, напорис-
тойт. Максомс истят кадрат
могут ды должны комсомоль-
ской организациятне.

Штобу маштомс икелев мест-
ной промышленностень, по-де-
ловому лездамс партийной орга-
низациятнень местной ресур-
снэнь вешнемаст организаци-
ясонть, комсомольской активис-
тэс должны парсте тонавтнеме
эсензэ краень, эсензэ област-
тень, эсензэ районь эконо-
миканть. Активистэнтень, кона
вечксы ды содасы эсензэ рай-
ононть, шождыне ули заинтере-
совать весе од ломатнень

местной промышленностень раз-
витиятнень.

Ютышка ды комсомольской
организациянь руководителитне
должны ёвтамс, мезе тейсть
комсомолецтне местной про-
мышленностень развитиянь
коряс. Теэмс жо должны пек
ламо. Эряви добовамс сень,
штобу маштомс лыжань ды лия
спортивтарень асатоманть.
Эряви теэмс истя, штобу кар-
мавольт сатомо доволь сеть
товартне, конань можна теэмс
местной сырьанть эйстэ.

Заверениятнесэ ды резолю-
циятнесэ эсь прятнь не оправ-
даешь, бути теэз ули пек
аламо или жо мезеяк арась.
Эряви теэз. Ды комсомольской
руководителитнень ответэст
улить оценент удовлетворитель-
на асыяк сестэ, бути могут
меремс истя:

— Лыжаткак, крадзаткак,
школьной принадлежностькак,
чушкань палкаткак ды ламо
лиянь тееме тонадынек минсь
эсенек областсэ, эсенек край-
сэ, эсенек районсо, эсенек од
ломатнень кедьсэ, комсомолецт-
нэнь инициативаст ды настоя-
нияст коряс.

Местной промышленностень
ды промысловой кооперациянь
изделиятне могут улемс пек
седе дешовакс, бути весе вий-
сэ бороцямс сырьанть зря а
ютавтоманзо кис. Кода местной
промышленностень, истя жо
промысловой кооперациясонть-
как экономияньт кис, расточи-
тельностеньт каршо бороцомс
должен ушодовомс бойкасто ды
энергичнойстэ.

Большевистской партиясь
апак лотксе заботи местной
промышленностеньт ды пром-
кооперациянь развитиянзо кис.
Еще партиянь XVIII-це съезд-
сэнтэ Сталин ялгась мерсь,
што местной промышленностен-
тень эряви максомс «возмож-
ность проявить инициатива
широпотребень товартнень про-
изводстванъ коряс ды максомс
тензэ возможной лескс сырьас-
о ды средстватнесэ». СССР-нь
СНК-нь ды ВКП(б) нь ЦК-нь
печатаз постановленият эр-
ва пунктос исходит Сталин
ялганть неть валтнэнь эйстэ.

Комсомольской организация-
тне должны кеместэ кундамс
СССР-нь Совнаркомонть ды
ВКП(б) нь Центральной Коми-
тетанть те постановленият то-
навтоманзо коряс роботантень.

А стувтовикс экскурсия

Январень 5-це чистэ саезь
10-це чис минек №-ской час-
тень боевой ды политической
подготовканъ отличниктне уль-
несь экскурсиясо Московсо.

Минек седейшкава вастымизь
Московской гарнизононъ коман-
диртне ды боецтне-отличниктне.
Тесэ минь познакомились фин-
ской фронтонъ участниктнень
марто. Сынъ ёвтнесь тенек
ламо интересной эпизодт бело-
финтнень каршо бойтнеде. Эзъ

марявтак — ютась чизэ. Чокш-
нэнтэ Советской Союзонъ Ге-
роесы Маршалосы Тимошенко
ялгась тейнесь тенек доклад.
Кодамс покш кеярдомс ульнесь
эръванть седейсэ, зардо минь
нейнек Оборонанъ Наркомонть
Тимошенко ялганть!

Омбоце чистэнтэ минь яки-
нек В. И. Ленинэнь музее-
тень.

12

Ф. Кишайкин,
младшей командир.



Пушкинской МТС-нь комбайнерэсь А. И. Гарин кортнэ
Торбеевской МТС-нь трактористэнтэ-стахановецэнтэ Г. В.
Ларькинэнь марто.

Фотосъ П. Ивановонь.

РСФСР-нь Совнаркомсо

Январень 13-це чистэнтэ
РСФСР-нь Совнаркомсэ при-
мась постановления республика-
сонть физкультуранть ды спор-
тонть развитиянь коряс меро-
приятиятнеде.

РСФСР-нь Совнаркомсэ
тешкстызе, што РСФСР-сэ физ-
культурной роботанть общей
состояниязо еще удалов кадовш-
ны требования тнень уровне-
нэнтэ эйстэ, конатнень предъ-
являют партиясь ды правитель-
ствась. Трудиянь депутатнень
краевой ды областной Совет-
нэнь Исполкомтнень ды ав-
тономной республикатнень Сов-
наркомтнень мерезь те иень
январь ковсто толковамс воп-
рос физкультуранть ды спор-
тонть развитияст коряс меро-
приятиятнеде, башка мель-
явомс велесэ физкультурной ро-
ботанъ организовамонть лангс.

РСФСР-нь оштнесэ кармить
улемс теэз лыжной ды вод-
ной станцият, а районной
пентратнесэ — спортивной пло-
щадкат. Трудиятнень депу-
татнень краевой ды областной
Советнэнь Исполкомтне ды
автономной республиканъ Сов-
наркомтне должны местной
промышленностень предприя-
тиятнесэ организовамс спортив-
ной, васняк лыжной, инвента-
рень производствэ.

РСФСР-нь Совнаркомсэ
мерсь РСФСР-нь Наркомпро-
сонть разработать педагоги-
ческой ды учительской инсти-
тутнэсэ физкультуранъ коряс
1941 иень апрелень васенеце
чистэ саезь факультативной
курсонъ организовамодо про-
ект ды ввести педагогической
институтнэнь ды университе-
тнэнь старшей курстнэсэ обя-
зательной предмет — «Школасо
физической воспитаниянь ор-
ганизовамось ды методикась».

Областной, краевой ды рес-
публиканской центратнесэ 1941
иестэ кармить улемс теэз эй-
какштнень спортивной школат

школьной физкультурной ак-
тивнэнь — спортонъ эрва кодамс
видтнэнь коряс учительтнень
помощникенъ, инструкторонъ,
судьянь анокстамонть туртов
ды лият.

РСФСР-нь Наркомпроссэ
обязан 1941 иестэнтэ строямс
физкультурной площадкат весе
средней школатнэва. РСФСР-нь
Совнаркомонть решениянзо ко-
ряс весе ведомстватне ды ор-
ганизациятне должны питне-
теме макснемс чить школатне-
нень эсест стадионтнэнь, лыж-
ной ды водной станциятнень,
катоктнэнь, гимнастической
залтнэнь ды физкультурной
лия сооружениятнень.

РСФСР-нь Наркомздравон-
тень мерезь 70 ошка органи-
зовамс лечебной физкультуранъ
ды врачебной контролень ка-
бинетт начальнэ, неполной
средней ды средней школатне-
сэ тонавтициятнень обслужи-
ванияньт кис. Медицинской
институтнэнь старшей курстнэ-
сэ должен улемс введен спе-
циальной предмет: «Лечебной
физкультуранъ ды врачебной
контролень методикась».

(ТАСС).

(ТАСС).

ЛЕНИНСКОЙ ЧИТНЕНЕНЬ АНОКСТАМОСЬ

Саранск ошонъ промышлен-
ной предприятитнесэ, учреж-
дениятнесэ, школатнесэ, учи-
теленъ кудосонть моли виев
анокстамо ленинской читненень.
Организовазь выставкат, ко-
нат посвященнойт
В. И. Ленинэнь памятьс, ютав-
тневит лекцият ды беседат
Ленинэнь — Сталинэнь учения-
донть.

Парткабинетсэнтэ организо-
ваз покш выставка: «Кода
В. И. Ленин работась книга
лангс». Тесэ васень разделтне-
сэ улит интересной документт,
фотографият, выпискат седе,
кода Ленин организовашныль
эсь роботанзо школьной ды
студенческой четнестэ, кода за-

Субстратостатонъ
открытой гондоласо
11 тыща метранъ
сэрьсэ
ВКП(б) нь XVIII-це
конференцияньт честсь
выдающейсэ научной
ливтямо

Январень 17-це чистэ из-
вестной аэронавтосы Александр
Фомин ды старшей пилотосы
Георгий Голышев тейсть вы-
дающейсэ ливтямо 2.500 кубо-
метрадо ламо объемсо «СССР
— ВР — 79» субстратостатонъ.
Открытой гондоласонть, кона
эськанзо ашти калъ илейстэ
кодазь корзинакс, сынъ кепе-
деветь 11 тыща метрадо ламо
сэрьсэ.

Асыяк кавто аэронавтиканень
удалась те шкас открытой гон-
доласо пачкодемс стратосфера-
сэ велявтомс живстэ моданть
лангс. Неть ульнест немецкой
ученнойтне Берсон ды Зюринг,
конат 1901 иестэ аэростатсо
кепедевть 10.800 метранъ
сэрьсэ. Се шкастонть ютасть
уш 40 ие. Те шканть перть
ульнест теэз аволь аламо
снартomat кепедевемс 11 тыща
метрас открытой гондоласо, но
весе сынъ прядновсть аволь
удачнойстэ.

Советской аэронавтиканъ ике-
ле ульнест аравтозъ задача то-
навтнеме атмосферанъ ды стра-
тосферанъ кой-кона физической
свойстватнень. Те ливтямонть
туртов ульнест анокстазь спе-
циальной оборудованият: ори-
гинальной электрической при-
борт, кислородной аппарат, ра-
диозонд ды лият.

«СССР — ВР — 79» субстратос-
татосы кепедевсь воздухс 13
чассто 15 минутасто. Старт-
тонть мейле омбоце пель ча-
сонъ ютазь аэронавтиканъ ульнест
уш малав 11 тыща метранъ
сэрьсэ. Воздухонъ температу-
рась тесэ пачколесъ нульде
алов 60 градусс. Мекев сынъ
валгсть 16 чассто 10 минутас-
то.

Эсест ливтямост Фомин ды
Голышев ялгатне посвятили
XVIII-це Всесоюзной парткон-
ференциятнень.

(ТАСС).

нимался библиотекасо.

Литературной выставкасонть
пурназъ жарья художественной
ды публицистической литерату-
ра Ленинэ ды сонзэ малавикс
соратниктнеде. Сынст ютксэ
истяжо Ленинэнь истят ге-
ниальной труднэ, кода «Что
такое «друзья народа» и как
они воюют против социал-демок-
ратов?», «Что делать?», «О го-
сударстве», «Две тактики со-
циал-демократов в социалисти-
ческой революции», «Материал-
лизм и эмпириокритицизм» ды
лият.

Парткабинетсэ чистэ сакш-
ныть экскурсактт, агитаторт,
пропагандистт ды ловныият.
Ю. Баранова.

КОМСОМОЛЬСКОЙ ЭРЯМОСЬ

ВЛКСМ-нь Саранской горкомсо дежурствась

1. Дежурнойтне таркаваст

Шкась чокшнень сисем част. Саранской ВЛКСМ-нь горкомонь кабинетнэ панжтнезь ды валдомгавтозь электричествасо. Секретаренть кабинетсэ ашти горкомонь ответственной дежурноес Мельникова ялгась. Лия кабинетнэва аштит дежурнойть эрва кодамо комиссиянь пельде. Комиссиятнеде весемезе вете. Эрва дежурноенть икеле дежурствань ветьмонь журнал, расписания ды списокт, кинь тердемс беседас ды кинень кодамо максомс задания.

Вана каятоць телефононь звоноь. Мельникова ялгась саньзе трубканть:

— Горкомонь ответдежурноес кунсолы.

Телефон вельде кевкстнить, можна ли ней совамс дежурноентень личной вопросонь кувалт.

Зарья вопросонь максомодо мейле, дежурноес мерсь:

— Совак. Минь дежурятано кемень часос.

Совась кабинетсэ военно-физкультурной комиссиянь дежурноес Фролов ялгась.

— Потемкин ялгась меньгаж указанийт кадсь монень?

— Да, улить.

Ответдежурноес таргизе горкомонь секретаренть записканзо. Тосо сэрмадозь, мезе лангс эрви течи седе ламо явомс мель: кодат вопрот кепедемс тердезь комсомолецтнень икелев.

2. Дежурствась а кирди...

Варштась Мельникова ялгась расписанияс, варштась часонзо лангс. Чокшнень 7 часесто 30 минутасто эрвишнесь самс горкомонь котонинной фабрикасо комсомольской организациянь секретарентень, Саранск ошонь 1-це № школань комсомолецтнень — Шугуров ялгавтень, педучилищасто Киреев ялгавтень, но вейкежк сынст эйста еще эзь са.

Звонясь. Саньзе телефононь трубканть.

Вешизе котонинной фабриканть.

— Ки те? — кевкстни дежурноес. — Секретаресь? Борты горкомось. Нать стувтыть, што течи тонеть эрви самс горкомонь комсомольской кроссостонть отчет марто?

Котонинной фабрикасто комсомольской организациянь секретаресь отвечась, што сон курук сы, ансяк эзь пурнаво еще эрвишк сведениятне.

Совась комсомолка.

— Мон неграмотнойтнень кувалт... Монень эрволь бу культмассовой роботань коряс комиссиянь дежурной.

Дежурноес толковизе, што сонензэ эрви совамс кершэно кабинетантень. Тосо дежурн комиссиянь член.

3. Информаторось пачти...

— Мон горкомонь информатор, — кедензэ венстемста доложил Дурнов ялгась ответдежурноентень. — Евтака, Мельникова ялгай, косо горкомонь секретаресь?

— Секретаресь совещаниясо, — отвечась тейтересь. — Мезе арсят ёвтамо?

— Икелевгаж мон сын витькстамо, што тевем аламода кадозь. Решениятнень исполнени-яст проверинь ансяк январень 5-це чинтень. Хотел течи кундамс проверимонтень, но шкастонзо эзинь саво, Кольцова — технической секретаресь арасель, а шкафось пекстазель.

Горкомонь ответдежурноес толковизе информаторонтень, што те тевенть кадномс нельзя, што информаторонтень основной задачазо — улемс эрва чианок максомс эрвишк сведени-ят секретарентень; а нолднемс истамо тев, зардо постановлен-иятне кадновить апаж тонавто, конёв лангсо, эсь решени-ятнень а тонавтомась колы комсомольской дисциплинанть ды лият.

Информаторось макссь обязательствася, што седе тов про-верямо тевенть ладясы кода эрви.

Мейле совась Любаев ялгась. Сонгаж информатор. Сон горкомонь секретарентень кандсь информация. Евтни, што вейке комсомольской организа-циясь протокольной тевтнень вети аволь серьёзна: прото-колтнэ сэрмадозь карандашсо, стилистикань коряс лавшт, воп-ростнэньгаж кепедить аволь пштитсь. Прениясо выступле-ниятнень протоколс а сэрма-лить. Мерсь, што тень кувалт сон кортась комсомольской ор-ганизациянь секретаренть мар-тояк.

4. Военно-физкультурной комиссиясо

Фролов ялгась — военно-физкультурной комиссиянь пред-седатель. Течи дежурямонь очердедь сась сонензэ. Дежур-ноес журналстонт кавто-кол-мо листань ванномодо мейле, сон тешкстась карандашсо зар-ья фамилият ды кундась тевезнэ.

— Кода моли командирской тонавтнемась?

— Зяро комсомолецт-лыж-никть кунсолызь «Гигиена лыжника» лекциянт?

— Лиснесть ли течи лыж-никтне тренировкас?

— Кодат од показателть невтсть комсомолецтнэ?

— Толковник ли «На штурм» военной налксемань опытанть?

Истят вопрот макснесь Фро-лов ялгась телефонсо кортнем-ста. Сон получил ответ ды сэрмадылизе тетрадезанзэ. Ко-со тевес ладязель беряньста, сон сеске жо макснесь указа-ният сонзэ витемантень.

Совась кабинетсэ Мордовтор-гонь комсомольской организа-циянь секретаресь Митрофа-нова ялгась.

— Мезея а лисни, — мерсь сон. — Лыжникинь командат ор-ганизовазь минек еще арасть.

— Мекс? — кевкстни дежур-ноес.

— Весе комсомолецтнэ сравт-невезь ламо магазинга. Эр-ванть оймсема чизэ эсензэ.

— Снартниде ли тынь коман-дань организовамо сеть од ломатнень эйста, конатнень оймсема чист эрси ве чиста?

— Вана арседеяк тень ку-

валт, мейле доложишь горко-мов.

Секретаресь лиссь.

Зяро прыдовсь дежурствась, Фролов ялгась журналс сэр-мадсь:

«Пачтазь весе комсомоль-ской организациятнень воен-ной занятиятнень ютавтомадо. Договорились комсомольской организациятнень марто физ-культурниктнень туртов лек-циядонть. Макснень установка командирской тонавтнемадонть Васильева, Пупыкина, Ионов, Шугуров ялгатнень (1-це школа), Киреев ды Мысин ял-гатнень (педучилища). Тедэ башка проверинь зарья ком-сомольской организацият.»

5. Ансяк план

Булъткомиссиянь дежурноес Пителина ялганть — общепи-тань трестсэ комсомольской ко-митетань секретаренть — вастызе еще коридорсо.

— Кода моли неграмотнос-тень ды малограмотностень лик-видировамось? — улнесь де-журноенть васень вопросозо.

— Витьста ёвтамс — берянь-ста.

— Зяро тынь комсомолецт-наде?

— 39.

— Зяро неграмотнойть?

— Неграмотнойть арасть, малограмотнойть колмо.

— Тонавтнить?

— А тонавтнить.

— Зяро весемезе трестсэнть од ломать?

— А содан.

Седе тов дежурноес выяс-нил, што общепитань трест-сэ комсомольской организа-циясь роботы беряньста. Мало-грамотнойтнень а тонавтныть. Мордовиянь комсомольской организациядонть ВЛКСМ-нь ЦК-нтъ решениянзо натой эзиз толкова. Идеино-полити-ческой уровененть комсомолец-тнень ютксо кепедить ансяк лекциянь кунсолызь, кудосо ась лангсост а роботыть. Ком-сомолонь членкс примазь те нестанть ансяк 2 ломать.

— А лезды тенек партипри-репленноеьскак, — корты Пите-лина ялгась.

Комсь минутат толковась культмассовой комиссиянь де-журноес Пителина ялгантень, кода витемс роботанть. Пите-лина мельспаросо тусь кудов.

6. Дежурнойть ды секретарь

Малав кемень часесто сась ВЛКСМ-нь горкомонь секрета-ресь Потемкин ялгась.

— Ну, кодат тевтне? — кевк-стизе сон ответственной дежур-ноенть.

— Молить. Можешь ванно-маст журналс сэрмадовкстнень.

— Тердить тей весе комис-сиятнень дежурноес. Ванно-сынек, мезе эрви теомс де-журнойтнень ванды.

Потемкин ялгась а кувать кевкстнемадост мейле, подроб-на ёвтинизе вандынень дежур-нойтнень задачаст, мезень ко-ряс течинь дежурнойтне дол-жны информировать ван-дынсетнень.

Истя моли дежурствась Са-ранской горкомсо чиде-чис.

К. Демир.



Ромодановской райононь «Якстере сокица» колхозонь од ломатне кырякстнить лыжасо. Ве ёно неяви колхозной клу-бось.

Фотось П. Ивановонь.

Школосо комсомолецтнень роботаст

Ичалковской средней шко-лань комсомолецтнэ тонавтнема-нень васень читнестэ уш то-навтницятнень ютксо вивегав-тызь социалистической сорев-нованиянт парсте тонавтне-манть кис ды школосо кеме дисциплинанть кис.

Успеваемостье ды дисци-плинадо вопросось тосо тевес сех серьезной вопростнэстэ вейкекс. Те вопростонть решамо улнесь мобилизовазь школань весе активесь.

Беряньста тонавтницятнень, дисциплинань колыцятнень тердтнелизь комитетань заседа-нияс, кевкстнезельть сеть при-чинатнеде, конат мешить то-навтнемадонть.

Школань активенть истамо роботанть пингста ламодо седе-кась общей успеваемостескак.

Комсомольской организа-циясь истя жо покш мель яви военной тевенть тонавтнема-нень, культмассовой роботан-

тень ды комсомолецтнень по-литической уровенест кепеде-манть лангс.

Комсомолецтнэ вивестэ ано-кстыть Всесоюзной лыжной ком-сомольской кроссонтень. Сех-паро результат теньсэ невити Попов ялганть командась. Те-команданть весе члентнэ ютызь тренировочной минимонтень ды максыть ГТО-нь значеонть лангс сокссо якамонь коряс норматнень.

Заслуженной авторитетсэ пользуется тонавтницятнень ютксо драмкружокось. Сонзэ-вийсэ улнесть теезь 6 вечерт.

Комсомолонь комитетась ютавсь зарья собеседованият «ВКП(б)-нь Краткой курсонть» тонавтнеманзо коряс. Пек пар-сте роботыть эсь лангсост Ря-бов, Ломова, Ребрушкина ял-гатне ды лият.

П. Степанов.

Ичалковской р-н.

Доклад антирелигиозной тема лангс

Чамзинской райононь Покш-Маризь велень средней школа-сонть январень 11-це чистанть улнесь организовазь антире-лигиозной вечер. «Роштува-донть» доклад тейсь препода-вателесь Ярославцев ялгась. Покш интерес марто кунсолызь докладонть средней школань

тонавтницятне. Докладонть мейле школь-никтне тейнесть физкультурной выступленият ды улнесь арав-тозь пьеса: «Цёрась лезды аван-станть». Вечерась прыдовель-киштемасо.

П. Бузин.

Отличной отметка марто

Прыдовсь телень канику-латне. Эйкакштне оймсесть, пурнасть од вий ды таго састь школав, озасть книга эшс.

Шугурова велень средней школасо тонавтницятнень ют-ксо ней келейста моли социа-листической соревнования пар-сте тонавтнеманть кис. Блас-стнэнь ды башка тонавтницят-нень ютксо теезь социалисти-

ческой договорт. 10-це классонь тонавтни-цясь И. Учайкин, 8-це клас-сонь тонавтницятне Т. Осипов ды Захватов сайсть обязатель-стват омбоце полугодиянт прыдомс ансяк отличной от-метка марто.

Ф. Пивкин.

Б.-Березниковской район.

Тонавтнить военной тевенть

Вадрасто ладязь военно-физ-культурной роботась Мордов-ской пединститутонь студент-нэнь-допризывниктнень ютксо. Стрелковой кружоксонть тона-втнить 39 допризывник.

Кружоконть эйса вети пре-подавателесь Улисов ялгась. Ней стрелковой кружоксонть допризывниктне тонавтнить пу-леметонь материальной част-нень.

В. Моськин.

АНОКТАДО ЛИ ТЫНЬ ЛЫЖНОЙ КОМСОМОЛЬСКОЙ КРОССОНТЕНЬ?

Эрва косо, ансяк аволь Zubovo-Полянасо...

Пачк вень ды малав чоп мольсь канды буря. Сон валинзе весе китнень, латко потмакстнень, тейнесь сэрей купят эрва губоркскенть вакес, пакся куншкосо аштица роша куракштнень крайс. Чопонь пелев бурясь энгамсь, кармась пувамо апек якшамо коське варма.

Паро улемс те шкастонт ушосо, лексемс свежа коштонть, модемс вавос вавос, оно тов, косо ашоддыть килей ропасонт ловонь наикдаско копачазь чувто таратнэ! Мейсь модемс, бути тов седе куро ды седе паро ардомс лыжасо, вармакс ливтамс пандонь пандонь ды латконь латконь трока!

Несак кода ливчанысто ардыть лыжникинь командатне, вэнат зяро лыжа изыть пухляня од ловнень—козяк мик эз кадово лыжань следтэме тарка!

— Но косо те истя?—может кевкстеманек ловныпась.

— Эрва косо, ансяк а Zubovo-Полянасо,—сави отвечам сонэз виде кевкстеманэз лангс.

Чуросто, пек чуросто можна неемс лыжасо ардыця или лыжа марто ютыця ломань райцентрасонт. Овси апак черкстне тесэ ловось лыжасо, а неят китне крайга, пиретне удалга, паксява лыжань следт. Ашти пухляня ловось апак токше, апак чалксе, бути а кортамс сеть следтнеде, конань бурядонт мейле тейнинзе капшазь ардомсто кодамояк тандавтозь нумоло...

Лангс вавозь, седе виде ули, комсомолонь райкомонь руководителтнень кунсолось, бутотевтне молить истя, кода эривольгак. Ютавтозьяволь аламо собраният, заседаният, вопросось аравтозель пштистэ ды кеместэ, примазь зярыя решеният, савезь а берань обязательстват. Истяк весе бутотевтне должны туемс икедез.

Ансяк лисни мекс-бути мекс-евлань. Беряньстэ тесэ стить лыжа лангс од ломатне, лавшосто ды састо овладевают лыжной спортонт. Якстере Армиянь XXIII-це годовщи-

нанть лемсэ лыжной комсомольской кроссонтень анокстамонт коряс райононт келес теез 78 лыжной команда. Но малав весе сын теез формальна, ансяк конёв лангс. Тренировочной занятиянь ютавтнеме ламотне те шкас еще эзть ушодо. Райкомось паро ладсо а соды мик, зяро командат улить анокстазь ды нолдазь кроссонт участиянь примамо.

— Ламозаявкат максозь комсомольской организациятнень пельде?

— Заявкатне улить,—отвечась райкомонь секретаресь Кондратьев ялгась ды кармась зярыя папкава конёв панксень кочксемс. Вейкеяк неть заявкатнень эйстэ арасель теез аравтозья формань коряс.

Но бути райцентрасонт чуросто неят лыжасо якият, сестэ велетнеде а мейсэ кортамскак. Тесэ еще седеяк аламо мейсэ явить лыжной спортонтень. Сайсынек, примерке, Угловской вельсоветань Буденный лемсэ колхозонт. Колхозонт ули аволь вишкине комсомольской организация, зярыя од ломать, но те шкас арась теез вейкеяк лыжной команда, ансяк мейсэ читне-стэ, зяро минек марто вейсэ савэ райкомонь представитель, ульнестэ организоваз пешей командат. Те организацияонт комсомолетнэ еще а содыть лыжной кроссонт кувалт, сынст эйстэ вавос эзть тусонь первичной организациянь секретаресь Бабин ялгаськак.

— Зяро ушодови Якстере Армиянь XXIII годовщианть лемсэ кроссозь?

— Ней, наверна, куроосто,—отвечась Бабин, сонсь, аён-кстомозь, варштась вакссонэз аштицятнень лангс. Зяро не-

зе, што кой-кит од ломатне эйстэ раказевсь сонэз аволь определенной ответэнэ лангс, Бабин поладсь:

— А содаса, аля, мекс бути...

Истя жо беряньстэ моли кроссонтень анокстамось Н. Выселка велень колхозной комсомольской организацияонт (секретаресь Баранов ялгась).

Зубово-Полянасо эзизь чарькоде ВЛКСМ-нь ЦК-нть указаниянзо седе, што кроссонт участиянь примамось обязательной эрва комсомолетнэ туртов. Тосо, косо арась лыжат, эрви организовам пешей командат. Тесэ жо комсомольской организациянь кой-кона руководителтне кекшнить прят сень эжис, што сынст а косто добовамс лыжат, ялго якшамо жо, келя, минек комсомолетнэ арась мелест. Примерке, райфонь комсомольской организациянь секретаресь Зеленова ялгась истя и яволытсь.

— Минек арась меленек те-емс пешей командат, максо-до лыжат, карматано анокста-мо кроссонтень.

Сави ансяк дивамс, мекс ВЛКСМ-нь райкомось ды сонэз секретаресь Кондратьев ялгась мирить истя арсиятнень марто, эзть вачкоде неть зыянов мелтнень ланга.

Лыжной комсомольской кроссонт ушодоманзо самс кадовсь ловозь чить. Шкась а учни минек эйсэ. Комсомольской организациятне должны кадовикс читнестэ роботамс пек ды кеместэ, штобу вастомс кроссонт организовамо ды а позорамс соревнованиятнестэ эсест районной организациянь честенть.

Н. Батаев.

З. Полянской район.

ИЗВЕЩЕНИЯ

Те иень январень 19-це, 22-це, 26-це ды февралень 2-це читнестэ карми улеме ютавтозья лыжной кроссонт участникнень ды пешей переходонь участникнень организованной тренировка.

Лыжной тренировкась ды ГТО-нь значок лангс норматнень максомась карми улеме ипподромсо ды лесопарксо валске 10 чассто. Пешей переходонь участникнень пурна-вить 1-це № школань зданиянть вакс чокшне 8 чассто.

ВЛКСМ-нь ГОРКОМОСЬ.



Саранской фельдшерско-акушерской школань физкультурань коряс преподавателесь С. Кубанцев (вить ёно) школань сех вадра физкультурниктнень марто.

Фотось А. Канифатьевень.

„Условият арась“

Улить истят ломать, конат свал ансяк вешнить тувалт, штобу косо эрви «оправдать» эсь прят. Истят ломатнень юткс понксть Кабаевань средней школань директорсь И. Ревакшин ды комсомольской организациянь секретаресь П. Ломовцева.

Сынь мейсэкак а тейнить лыжной кроссонтень анокста-монт коряс. Зяро кевкстемань

сынст мекс истя аштитыдо ве ёно те важной теветнэ эйстэ, сын свал отвечать:

— Условият арась.

Чарькодеви, што условият а эрсит ансяк сетненень, конат учнить зяро сынст кияк «создаст» условият, сетненень, кит нузяддыть кундамс тевс.

А. Слугин.

Дубенской район.

Максыть ГТО-нь значок лангс норматнень

Вармазетка велень «Од эр-мо» колхозонь комсомолетнэ ды од ломатне активна анок-тить лыжной комсомольской кроссонтень. Эрва чистэ юта-внить тренировочной занятият, лыжной вылазкат ды ялго мо-лемань переходт.

Январень 13-це чистэ 20 комсомолет ды 5 аволь союзной од ломать максыть телень нормат ГТО-нь значок лангс. Норматнень сех парсте максызь комсомольской организациянь сек-ретаресь Маштакова ялгась, Сонаев ды Волков комсомолет-нэ.

Д. Ирилов.

Б.-Игнатовской район.

Паксяв лыжной вылазка

«Якстере теште» колхозонт 20 комсомолет. Сынь поль-зуются заслуженной автори-тетсэ. Сын—колхозной про-изводствань передовикт. Ней покш робота ветить тунда ви-демантнень анокстамонт коряс.

Зяро ловнызь «Ленинэнь киява» газетастонт Ладской комсомолетнэ обращеният ловонь кирдемадо ды местной удобрениянь пурнамодо,—сайсть эсь лангозост обязатель-ства: ВЛКСМ-нь XVIII-це парт-конференциянь чистэ юта-втомс ловонь кирдема 100 гек-тар лангс ды эрва комсомо-лелэсь должен теэмс 50 щит.

Ды тевсэ ютавтыть эсь ре-шеният. Сень кувалт, што комсомолетнэ анокстыть лыж-ной кроссонтень, сын тейнест паксяв лыжной вылазка ды вылазканть прыдомадо мейле ютавтсь ловонь кирдема 20 гектар лангс.

И. Дмитриев.

Б.-Игнатовской р-н, Од Жа-бина веле.

Мекс а ушнить школанть?

Коридоронт ашти чеме-нев бак. Мольсть эйкакшт си-меме. Пурдызь кранонт—ведь а чуди. Бепедизь крышканть—баксонт эй. Кармась крыш-касо ээнтэ тапамо. Эсэ пек эчкель, койкак тапавсь. Симе-матне истя сакшность, што савсь эйкакштнень нильнемс эй паморькстнень.

Те тевсэ аволь умок уд-несь Пермизь велень аволь полной средней школасонт.

Класетнэсэ якшамо, тона-вниятнень савкшны а кайсемс одижасткак. Январень 14-це чистэ 7-це классонт лембес ульнесь ансяк 5° пельсиянь коряс. Г. Александров.

Б.-Березниковской район.

МИНЕК РЕСПУБЛИКАНЬ ЗНАТНОЙ ОД ЛОМАТНЕ

Надя Егорова ды сонэз звеназо

Смольковка велесэ Сталин лемсэ колхозонт Надежда Дмитриевна Егорова вечевикс ды авторитетной ломань. Те комсомолкадонт содыть аволь ансяк эсь колхозонт, но весе Ардатовской районсояк.

Колхозницятнень ютксто прок сех вадрянен, Надянен мак-сызь комсомольско-молодежной звенанть. Звенанть туртов ке-мекстасть 36 гектар мода. Кол-хозонь правлениясь тейсь аг-ротехнической мероприянь план, конань топавтомо од ло-манень звенась кундась энер-гично. Васень читнестэ жо пурнась 2 тоннат кулов, 2 тон-нат саразонь помет. Ускозельсь 9 тоннат минеральной удобре-ния.

Роботас кундамсто Егоровань звенась тейсь социалистичес-кой соревнованиянь договор

Д. С. Гришинэнь звенанть мар-то. Те договорось иензэ перть ламоксть проверязель, сон пар-сте лездась звенанть роботанзо вадрылгавтоманть, покш уро-жаень получамонтень.

Звенанть успехензэ аволь вишкинеть. Гектарстонт полу-чась средней урожай ютась нестэнтэ 16,5 центнер. Розь сайсь вейке гектарстонт 19 центнер, товзюро, пинеме—17 центнер эрва культурант, суро—16 центнер ды лият.

Кода жо звенась добовинзе неть показателтнень? Ловонь кирдема тевсэ ды рана виде-мась максыть положительной результатт. Озимой культурат-нень туртов кавксть почоло-зельть комбинированной мине-ральной удобреният. Вейке гек-тарс почодозельть 6 центнерт удобрения. Истянь жо удобре-

ния каязельть яровой товзю-ронь, шужонь, пинемень ви-демс анокстазь эрва гектарс. Суронт туртов вейке гектарс каязель 4 центнерт суперфос-фат. Теде башка весе участка-не ульнестэ парсте кочкозь.

Ютавтнесь Егорова ялгась опыткак. 0,1 гектар лангс суронь видеветнэнен мине-ральной удобрениятнеде башка валнокшность навозонь жижа. Опытной участкась максысь, бу-ти ловомс гектарсо, 21 цент-нер суро. Те нестэнтэ истя улить удобрызь весе виде-з участкане.

Трудовой дисциплинась ком-сомолканть звенасонзо пек вад-ря. Тенень сех пек лездась социалистической соревнова-ниясь. Соревнованиянь органи-зовицяс улезь, звенань сех вадря ломатне личной пример-сэнтэ таргить эсь мельгаст ли-ятненьбак.

С. А. Стеняхин видицяс ды нуицяс свал нормавзо то-павтыль велькска. Трудонтень

добросовестной отношениясонзо сон завоевал права 1940 иеста велень хозяйствань Всесоюзной выставкасонт участиянтень. Стеняхин ялгась регистриро-вазь 1941 иеста велень хозяй-ствань Всесоюзной выставкк кандидатокс. 1940 иестэнтэ сон тейсь сисем сядодо ламо тру-доч.

Звенасонт парсте роботасть Н. В. Каренкова, А. Я. Его-рова ды А. В. Гришина ялгате-не. Ютась нестэнтэ сынст эй-стэ эрвась тейсь 450 трудо-чи.

Ней Егорова Надянь звенась ютавты роботат ловонь кирде-манть ды местной удобрениянь пурнамонт коряс. Звенань ве-се члентнэ тонавтиять агро-техниканть.

Егорова Надя регистрировазь 1941 иеста велень хозяйствань Всесоюзной выставкань канди-датокс.

И. Антонов.

Ардатовской р-н.



Саранск ошонь пионерэнь Кудосо аволь умок ульнесь ютавтозь костюмированной бал-маскарад.

СНИМКАСОНТЬ: ошонь пионернэ ды школьникнэ бал-маскарадсо.

Фотосъ А. Канифатьевень.

Вадрылгавтомс ловнома кудонть роботанзо

— Вейке чокшнес куш бу максовить лампине, газетат умок уш эзинеков, ванкшномальть бу...—истя сееть-ста энялгалить вельсоветэнь председателентень Сафронов ялгантень Кенде велень од ломатне. Ансяк Сафронов ялгась аволь седей марица. Секс ловнома кудонть сеетсь а панжтнесызь, примеркс, сон пекстазель январень 2-це, 3-це, 4-це ды 5-це читнестэ. Избачесь Никитина ялгась пряк тов эзь невтне.

Чуросто эрсекиши ловнома кудосонть тол. Неяви ансяк—ашти копилка ды липни прок

чеерень толнэ. А ловномс, а налксемс шахматсо или шашкасо. Тень киз жо сельмс ды курге эки качамось, кона прок турбасто лиси анокшке копилкинесть.

Велень партийной ды комсомольской организацияне зярыякть тейнесть решеният ловнома кудонть роботанзо вадрылгавтомодо. Ансяк берянь се, што пек курок тосо стувтнить эсь решениятнень, а мелявтыть сынст топаваматнь киз.

И. Щеглов.

Дубенской район.

СТУВТОЗЬ БРИГАДА

Мокшалай велень «Красная Мордовия» колхозонь васенце бригадасонть омбоце ков арась бригадир. Колхозонь руководителне Солодовников ды Цыганкин ялгатне стувтызь те бригаданть, а мелявтыть кизсэнь.

Тунда видемантень анокстамонть коряс бригадась кадовсь

удалов. Беряньста аравтозь алашатнень мельга уходсь, упитанностест лавшо. Арась анокстась эрявикс сбруй ды инвентарь. Малав овси апак организова местной удобрениянь пурнамось ды паксав навозонь ливтнемась.

А. Солдаткин, А. Смолькин.
Чамзинской район.

Од ломатне ды колхозной производствась

Калинин лемсэ колхозось районсонть ловови передовой колхознэстэ вейкекс. Те ушодовсь сеньстэ, што колхозонь комсомолетнэнь инициативаст коряс организовазель од ломанень 12 постоянной звена. Звеньеводокс кочказельть сех паро колхозникть ды колхозницат. Звенатненень кемектасть определенной участкат. Васень читнестэ уш звенасо роботась невтьс организованность ды трудонь покш производительность. Од ломатне виегавтызь социалистической соревнованианть сталинской урожаенть киз. Звенань члентнэ тонавтнесть агротехминимумонть, паксав ливтнесть сатышка местной удобрения ды кирдтнесть ламо лов эсь участкст лангсо.

Эрва роботасо комсомолетнэ ды од ломатне невтьс образцовой роботань показатель. Тунда видеманть сын

прудызь сех икеле ды паро качества марто.

Сась нуема лангось. Звенатне дружнасто, нурька шкас ды ёмавкстомо урядызь скупав урожаенть.

Сехте икеле мольсь 2-це звенась. Сонзэ звеньеводось сех инициативной комсомолетсь С. Аношкин ялгась жнейкасо нуемстэ норманзо топавтнесть 170 процентэ ламос. Те звенань члентнэ честь марто кирдить переходящей якстере знамянь. Истя жо вадрыто роботась 1-це бригадань лобогрейщиктне И. В. Колесников ды А. П. Колесников ялгатне. Сынн нормаст топавтнесть 150 процентэ.

Производственной роботанть парсте ладямосонть покш роль налксесь колхозниктнень ютксо политико-воспитательной роботась. Теньсэ истяжо авангардной роль занясть комсомолетнэ ды од коммунистнэ. Сех паро агитаторокс эйстэст лова-

МЕСТЬ БУТИ ЯЛА УЧНИТЬ

«12 год Октября» колхозось беряньста аноксты тунда видемантень. Те шкас апак ушодовидмексэнь сортировамось, сбруень ды инвентарень витнемась. Арасель ютавтозь ловонь кирдемак. Председателесь Е. Куторкина ялгась ды правлениянь лия члентнэ месть-бути яла учнить, кодак а кундавить тевс.

Колхозной комсомольской организации эзь карма улемс покш урожаень киз бороцямонь застрельщике, а невти кодамоак инициатива тунда видемантень анокстамосонть. Комсомолетнэ ловить, што те а сынст тевес. Эзизь чарькоде сень, кодамо покш тев бу тевельть, бути сынн кармавольть пурнамо местной удобрения, бути лисевельть паксав ловонь кирдеме, бути сынн возглавили те тевенть. Эзизь чарькоде сень, кодамо леске бу максовольть, бути эсь вийтнень аравтневлизь тунда видемантень анокстамонь коряс роботань основной участкатнес. А эряви аштекинемс косяк ве ёно ды равнодушно ваномс, што колхозсонть беряньста мол тунда видемантень анокстамось. Эряви кундамс тевс.

Л. Каменцев.

Чамзинской р-н, П. Маризь веле.

„Тундось васоло... кенертяно“

Весть кие бути ледстизе Поводимова велень колхозной комсомольской организациянь секретарентень Ермолаев ялгантень: «Ведь шка тенец пурнамс местной удобрения, кода тон арсят?» Ермолаев чаравтысь приноз ды аволдась кедьсэнь: «Мезеяк мон а арсян, тундось еще васоло... кенерят.»

Комсомолетнэ аволь ансяк а пурныть местной удобрения, но и алисить ловонь кирдеме. Паксав эзь уско вейкеяк улав навоз.

Н. Василькин.

Дубенской р-н.

ГРАНИЦАНЬ ТОМБАЛЕ

Англо-германской войнась

Германской информационной бюрось пачти, што январень 16-це чистэ чить германской самолетнэ успешнойста бомбардировизь английской военной кораблитнень, конат ульнест Ла-Валетца портсонть Вальта островсо (Средиземной морясо). Теве башка, зяряя бомбат ульнест ёртозь арсеналонть лангс. «Саутгемптон» английской крейсерэсь, конань январень 10-це чистэ пек колызь германской ды итальянской бомбардировщиктне, ваясь.

Январень 17-це чинть кар-

по вестэнь германской бомбардировщиктне тейсть успешной налетт Западной Англиясо портонть лангс ды Южной Англиясо военной объектинь лангс.

Английской авиациясь, Рейтер агентстванть сообщенианзо коряс, январень 17-це чинть каршо вестэнь ёртсь бомбат Вильгельмсхафенэнь ды Эмденэнь лангс (Германия), Булонэнь ды Каленть лангс (Франция).

(ТАСС).

Албаниясо военной действиятне

«Политика» Югославской газетась пачти, што январень 16-це чистэ греческой войска-не фронтонь башка секторнэстэ тейсть местной характернэ операцият сень киз, што-бу мешамс итальянской войска-тнень пурнавомантень ды саемс противникень передовой позициятнень.

Центральной фронтонь, Клисурса ошонть эйстэ север

ёно, греческой войска-тне сайсть выгодной позицият. Тепелене ошонть вакссо военной операциятне лоткасть пек сарей ловонть кувалма, кона прась меельсэ читнестэ.

Поградецанть эйстэ север ёно операцият арасельть.

Южной фронтонь ульнест ансяк патрультнень дейст-вует.

(ТАСС).

„Народной конвентэнь“ мандатной комиссиянь докладозо

«Народной конвентэнь» мандатной комиссиясь публиковась доклад, кона невти, што «Народной конвентэнь» съездсэнь, кона ульнест Лондонсо

январень 12-це чистэ, ульнест 2.234 делегат, конат представляли 1.200.000 ломань, конат аштит эрва кодат организациятнесэ.

(ТАСС).

Репрессият „Народной конвентсэнь“ участиянь киз

Лондононь северо-западной райононь предприятиянестэ вейкесэнь кавто заводской старостатне, конат представляли те предприятиянь рабочей-тнень «Народной конвентсэнь», ульнест уволеннойть, кода ансяк велаятсь роботас конвентэнь заседаниятнеде мейле. Те увольненииась тейсь ро-

бочейтнень возмущения. Ульнест ютавтозь зяряя митинг, конатнес аравтневсь требования велаятомс роботас уволен-нойтнень. Тред-юнионтинь представительтне ветить теве переговоры предприятиянь администрациянь марто.

(ТАСС).

Японской печатесь Французской Индо-Китаенть позициядрнзо

«Асахи» японской газетась пачти, што, Англиянь активностензэ кувалма Французской Индо-Китаенть властнень пози-

цияст Япониянть отношениясонть теевкши седеак яла пек аволь доброжелательнойкс. Газетанть валонзо коряс Англиясь арси рамсемс Французской Индо-Китайсэ рис текстильной товартнэнь лангс полавтозь. Газетась седе тов невти, што Ханойсэ Французской Индо-Китаенть банконь президентась Пауль Ганнай, кона арсесэ неть читнестэ туемс Токиов экономической переговортнэсэ участиянь туртов, апак учо отказась эсь молемадонзо. «Аволь стака чарькодемс,—сёрмады газетась,—што весе те ашти Франциянь ды Англиянь ютксо сотрудничествадонть секретной переговортнэнь результатокс.»

(ТАСС).

Тобруконь районсонть положениясь

«Нью-Йорк таймс» американской газетась пачти, што англичантнэ яла еще пурныть вийть Тобруконь штурмонть туртов. Неяви патрультнень кой-кодамо активностест, моли артиллерийской леднема.

(ТАСС).

Н. ПИВКИН,

Шугурова веле, Б.-Березниковской р-н.

Ответственной редакторосъ А. ЩЕГЛОВ.